



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<29>> հունվարի 2021թ.

Ո Ր Ո Շ ՈՒ Մ No. 124 /10-ՇԸ

Չկատարված հարկային և դրոշմանիշային վճարի գծով պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԱԳՐՈՍՊԱՍԱՐԿՈՒՄ» ԱՄ-Ի ՎԱՐԴԵՆԻՍԻ ՇՐՋԱՆԱՅԻՆ ՄԻԱՎՈՐՈՒՄ ԲԲԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ԱԳՐՈՍՊԱՍԱՐԿՈՒՄ» ԱՄ-Ի ՎԱՐԴԵՆԻՍԻ ՇՐՋԱՆԱՅԻՆ ՄԻԱՎՈՐՈՒՄ ԲԲԸ-ի (ՀՎՀՀ՝ 08800085, պետական գրանցման համարը՝ 58.120.00018, հասցե՝ ԳԵՂԱՐՔՈՒՆԻՔԻ ՄԱՐԶ, ք. ՎԱՐԴԵՆԻՍ, Իսակովի 33) չկատարված պարտավորությունը «14» հունվարի 2021թ.-ի դրությամբ կազմել է 240.299.920 դրամ, որից ապառք՝ 89.578.241 դրամ, տույժ՝ 52.963.878 դրամ, տուգանք, 97.757.801 դրամ, իսկ դրոշմանիշային վճարի գծով 162.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել:

Նկատի ունենալով, որ 2018թ.-ի հոկտեմբերի 1-ից վարչարարությունն իրականացվում է էլեկտրոնային ծրագրի միջոցով, ուստի սույն որոշման մեջ չի ներառվում 8.254.664 դրամ չվճարված հարկային պարտավորությունը, մասնավորապես՝ ընկերության կողմից 2018թ.-ի հոկտեմբեր, նոյեմբեր, դեկտեմբեր ամիսների ավելացված արժեքի հարկի հաշվարկներով հաշվարկված 706.915 դրամ գումարը /ապառք՝ 287.475 դրամ, տույժ՝ 131.965 դրամ, տուգանք՝ 287.475 դրամ/, 2018թ.-ի շահութահարկի տարեկան հաշվարկով հաշվարկված 6.913.935 դրամ գումարը /ապառք՝ 2.900.871 դրամ, տույժ՝ 1.112.193 դրամ, տուգանք՝ 2.900.871 դրամ/, 2020թ.-ի պետական տուրքի տարեկան հաշվարկով հաշվարկված 625.376 դրամ գումարը /ապառք՝ ապառք՝ 595.042 դրամ, տույժ՝ 30.34 դրամ/, 2020թ.-ի հուլիս, օգոստոս, սեպտեմբեր ամիսների եկամտային հարկի հաշվարկներով հաշվարկված 8.244 դրամ գումարը, 2020թ.-ի 3-րդ եռամսյակի բնապահպանական վճարի հաշվարկով հաշվարկված 194 դրամ տույժի գումարը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում 232.207.256 դրամ, որից՝

ավելացված արժեքի հարկի գծով պարտավորությունը կազմում է 154.490.555 դրամ, որից ապառք՝ 55.331.469 դրամ, տույժ՝ 35.053.015 դրամ, տուգանք՝ 64.106.071 դրամ, որն առաջացել է 2017 թվականի դեկտեմբերից մինչև 2018 թվականի դեկտեմբեր ամիսների հաշվարկներից, իսկ տույժերը և տուգանքը հաշվարկվել են ՀՀ հարկային օրենսգրքի 401-րդ, 402-րդ հոդվածների համաձայն,



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

շահութահարկի գծով պարտավորությունը կազմում է 77.554.701 դրամ, որից ապառք՝ 30.463.384 դրամ, տույժ՝ 16.627.933 դրամ, տուգանք՝ 30.463.384 դրամ, որն առաջացել է 2017 թվականի տարեկան հաշվարկից, իսկ տույժերը և տուգանքը հաշվարկվել են ՀՀ հարկային օրենսգրքի 401-րդ, 402-րդ հոդվածների համաձայն,

որոշմանիշային վճարի գծով պարտավորությունը կազմում է 162.000 դրամ, որն առաջացել է 2017 թվականի հունվարից 2019 թվականի փետրվար, 2019 թվականի մայիսից 2019 թվականի սեպտեմբեր, 2019 թվականի դեկտեմբերից 2020 թվականի սեպտեմբեր ամիսների եկամտային հարկի և սոցիալական վճարի ամփոփ հաշվարկներից:

Սույն որոշումն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:


Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Կուտակային կենսաթոշակների մասին» ՀՀ օրենքի 71-րդ հոդվածով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, «Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի 13-րդ, 14-րդ, 15-րդ հոդվածներով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ԱԳՐՈՍՊԱՍԱՐԿՈՒՄ» ԱՄ-Ի ՎԱՐԴԵՆԻՍԻ ՇՐՋԱՆԱՅԻՆ ՄԻԱՎՈՐՈՒՄ ԲԲԸ-ից գանձել 232.207.256 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Կատ.՝ ԻՎ ՀԳ և ՊԿԱ բաժին,
Ա. Նանանյան, հեռ. 011549191 /91-07/


Ա. ՄՆԱՅԱԿԱՆՅԱՆ



**ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ**

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am